



Pou Piblikasyon Imedya: 03/05/2023

GOUVÈNÈ KATHY HOCHUL

## GOUVÈNÈ HOCHUL ANONSE ENVESTISMAN BIDJÈ ANE FIK 2024 LA NAN ABÒDABILITE ENÈJI, BUILDING DIRAB, AK ENÈJI PWÖP

*Avanse dekabonizasyon biling ak novo konstriksyon zewo emisyon*

*400 milyon dola envestisman pou ankouraje enèji abòdab*

*Avanse pwogram Kapital-ak-Envestisman ki abòdab pou akselere aksyon klimatik ak kreye djòb*

*Otorite Enèji New York la pral elaji pòtfèy pwodiksyon enèji renouvlab pou sipòte objektif renouvlab Eta a yo*

*400 milyon dola Fon Pwoteksyon Anviwònmantal, 500 milyon dola pou enfrastrikti dlo Pwòp, ak 200 milyon dola pou Pak Eta yo*

Gouvènè Kathy Hochul te anonse jodi a envestisman nan biling dirab, abòdabilite enèji, ak devlopman enèji pwòp nan Bidjè Ane Fiskal 2024 la. Nan youn nan pakè klimatik ki pi vaste nan istwa resan, Bidjè a fè envèstisman transfòmatif epi li gen ladan I yon lejislasyon revolisyonè ki chita sou plis pase 30 milya dola ki angaje nan aksyon klimatik.

"New York pran angajman pou konstiwi yon ekonomi pwòp epi pwoteje anviwònman nou an pou jenerasyon k ap vini yo", **Gouvènè Hochul te deklare.** "Bidjè sa a montre yon angajman san parèy pou enfrastrikti vèt, diminye emisyon ki soti nan sektè biling nan, ak pwoteje dlo pwòp. Mwen remèsye kòlèg mwen yo nan Lejislati a pou kolaborasyon yo sou yon Bidjè ki pote transfòmasyon ki reprezante youn nan pakè ki pi anbisye eta nou an te avanse pandan n ap kontinye batay kont chanjman klimatik la."

### **Dekabonizasyon Biling**

Nan Eta New York, biling yo reprezante plis pase 30 poustan emisyon gaz ki lakoz efè sè yo nan eta a. Bidjè final yo te adopte a fè New York vin premye eta nan nasyon an ki te avanse yon lejislasyon konplè pou konstiwi novo kay ak biling modèn san emisyon ki pral pwoteje fanmi nou yo ak rezidan nou yo, pandan y ap mete New York sou wout pou yon avni ki pi pwòp epi ki pi an sante.

Bidjè a gen ladan egzijans pou avanse konstriksyon zewo emisyon nan nouvo biling sèt etaj oswa pi ba, eksepte gwo biling komèsyal ak endistriyèl yo, disi 31 desanm 2025, ak tout lòt nouvo biling yo disi 31 desanm 2028. Bidjè a egzije tou egzonerasyon tankou sekou ijans ak kouran sekou, etablisman fabrikasyon, etablisman manje komèsyal yo, laboratwa, lave machin, kote yo lave machin, lopital, krematoryòm, biling agrikòl, ak enfrastrikti enpòtan.

Anplis de sa, Eta New York ap dirije pa egzanp lè li fè apè ak Otorite Enèji New York (New York Power Authority, NYPA) pou konplete plan aksyon dekabonizasyon pou 15 nan enstalasyon eta ki degaje pi gwo emisyon yo. Plan aksyon yo pral akselere pwogrè nou anvè yon sektè biling ki pi pwòp, mennen nan kreyasyon bon jan kalite travay nan pwochen pwojè dekabonizasyon yo, ki gen ladan rezo enèji tèmik, epi fè Eta a vin pi pre pou atenn objektif klimatik nou yo.

### **Envesti nan Enèji Abòdab**

Pandan Nouyòkè yo ap fè fas ak ogmantasyon pri, Gouvènè Hochul te priorize abòdabilite enèji pandan n ap fè tranzisyon nan yon avni enèji pwòp. Bidjè a enkli 400 milyon dola pou bay soulajman pou Nouyòkè yo k ap fè fas ak bòdwo elektrik ki wo epi tou pou diminye-fado enèji gras ak elektrifikasyon ak modènizasyon yo.

200 milyon dola pral bay Nouyòkè k ap fè fas ak bòdwo elektrik ki wo yo soulajman. Depatman Sèvis Piblik la pral bay yon rabè chak mwa bay plis pase 800,000 kliyan sèvis piblik ki fè mwens pase revni mwayen eta a epi ki pa kalifye pou pwogram rabè sèvis piblik Eta a. Yo pral atribye 200 milyon dola tou pou pwogram modènizasyon kay EmPower Plus NYSERDA, ki pral ede 20,000 fanmi ki gen revni fèb modènize kay yo lè yo ajoute izolman, enstale aparèy ki efikas an enèji, epi pase nan enèji pwòp.

### **Capital-ak-Envestisman**

Bidjè Ane Fiskal 2024 la avanse priorite Gouvènè Hochul pou kreye yon pwogram Kapital-ak-Envestisman ki abòdab, ekitab ak efikas ki akselere aksyon klimatik, kreye bon jan kalite travay, epi pwoteje ak envesti nan kominate defavorize yo. Bidjè a kreye fondasyon finansye ki nesesè pou sipòte yon pwogram Kapital-ak-Envestisman nan tout ekonomi an, ki te andose pa Konsèy Aksyon Klimatik (Climate Action Council) la kòm fason ki pi efikas sou plan anviwònmantal an epi ki ekonomikman posib pou atenn egzijans klimatik anbisyè New York ki te etabli pa Lwa Klimatik 2019 la.

Gouvènè Hochul te goumen pou sekirize kreyasyon Kont Aksyon Klimatik Konsomatè a, ki asire ke yo pral bay yon tyè nan pwofi fiti yo pou Nouyòkè yo nan yon etap enpòtan pou pwoteje abòdabilite. Bidjè a kreye tou yon pwosesis Etid Abòdabilite Klimatik pou bay rekòmandasyon sou utilizasyon fon ki gen plis enpak pou pwoteje Nouyòkè yo. Anplis de sa, Bidjè a etabli yon nouvo Kont Envestisman Klimatik ki pral dirije de tyè nan pwofi fiti yo pou sipòte tranzisyon an nan yon ekonomi ki mwens entansif an kabòn. Kont Envestisman Klimatik la pral sipòte pwogram ak politik enèji pwòp, mezi rediksyon emisyon, epi konsantre sou kominate defavorize yo, ki akonpaye pa estanda travay solid pou asire kreyasyon bon jan kalite travay.

## **Otorite Enèji New York la pral Konstwi Enèji Renouvlab**

Pou atenn objektif Lwa Klimatik ki genyen 100 poustan elektrisite zewo emisyon an 2040, Gouvènè Hochul mande yon apwòch konplè pou konstwi enèji pwòp. Gouvènè Hochul ak ajans eta yo te deja franchi etap solid pou asire devlopman enèji pwòp ak enfrastrikti transmisyon. Sitou, NYPA deja sipòte Eta a nan konstriksyon liy transmisyon pou pote enèji pwòp, fyab kote yo pi bezwen li, tankou devlope patenarya elaji ak sektè prive a. Apati siksè li ak devlopman transmisyon, Bidjè a pèmèt NYPA elaji pòtfèy renouvlab li a nan travay poukонт li epi ak devlopè enèji renouvlab yo nan sektè prive a pou konstwi novo pwodiksyon renouvlab pou sipòte objektif enèji pwòp Eta a epi kreye bon jan kalite djòb ki te sipòte pa estanda travay solid, pandan l ap diminye depans pou konsomatè yo.

Li mande NYPA tou pou l bay yon plan pou retire izin "ki gen plis demand" li yo yon fason pwogresif disi 2030, pou kontribiye jiska 25 milyon dola chak ane nan Depatman Travay (Department of Labor, DOL) la pou sipòte yon Tranzisyon Jis pou travayè enèji yo, ak etabli "Pwogram Aksè ak Enèji Renouvlab ak Èd Kominotè" (Renewable Energy Access and Community Help Program, REACH), ki pèmèt kliyan nan kominote ki defavorize yo benefisyé enèji renouvlab yo lè yo resevwa kredi bòdwo nan pwojè enèji renouvlab ke NYPA posede, devlope oswa fè kontra pou yo pou sipòte REACH.

## **Fon Pwoteksyon anviwònmantal**

Anplis envètisman ki soti nan Lwa sou Obligasyon Anviwònman enpòtan votè yo te adopte an 2022 a, Bidjè Ane Fiskal 2024 la gen ladan 400 milyon dola pou Fon Pwoteksyon Anviwònmantal (Environmental Protection Fund, EPF), ki soutni nivo envètisman istorik sa a nan Bidjè Ane Fiskal 2023 a. EPF la sipòte efò pou diminisyon chanjman klimatik yo, pwoteje sous dlo yo, fè avanse efò prezèvasyon yo epi bay opòtinite Iwazi pou Nouyòkè yo.

## **Finansman pou Dlo Pwòp**

Bdjè a gen ladan 500 milyon dola nan finansman pou dlo pwòp, sa ki mennen envètisman total New York nan enfrastrikti dlo pwòp la nan 5 milya dola depi 2017.

## **Amelyore Enfrastrikti Dlo nan Konte Suffolk**

Anpil pati nan Konte Suffolk ap pote fado sistèm septik ak fòs ki an defayans. Bidjè a otorize Konte Suffolk pou fè yon referandòm pou votè yo pou yo aplike yon plan alontèm pou kreye yon sous finansman renouvlab pou bezwen enfrastrikti dlo ize yo. Envètisman nesesè sa a nan enfrastrikti pral abòde bezwen bon jan kalite dlo nan ankouraje pwopriyetè kay ak biznis yo amelyore sistèm septik ki an defayans yo oswa ki pa apwopriye epi bay yon opòtinite pou envesti nan novo sistèm egou yo.

## **Biwo Pak, Lwazi ak Konsèvasyon Istorik (Office of Parks, Recreation and Historic Preservation)**

Bidjè a angaje 200 milyon dola nan finansman kapital pou kontinye transfòmasyon pak prensipal New York yo, sipòte pwojè enfrastrikti enpòtan yo, epi ede rann Pak eta nou yo endepandan sou pan enèjetik epi ede atenn objektif pou alimante enstalasyon pak yo ak enèji renouvlab disi 2030.

## **Envesti nan mendèv nou an pou aplike Lwa sou Obligasyon Anviwònmantal la**

Lwa sou Obligasyon Anviwònmantal pou Dlo Pwòp, Lè Pwòp ak Travay Vèt istorik la se pi gwo obligasyon anviwònmantal nan istwa eta a epi se premye nan New York depi 1996. Lwa sou Obligasyon Anviwònmantal la pral bay 4.2 milya dola pou sipòte nouvo pwogram elaji atravè eta a pou pwoteje sous dlo potab yo, diminye polisyon, epi pwoteje kominote yo ak resous natirèl yo kont enpak chanjman klimatik yo. Pou sipòte aplikasyon inisyativ istorik sa a, Bidjè a gen ladan 265 anplwaye adisyonèl pou ajans eta yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418